

18 OCT 2000

DR MAHATHIR LANCAR PUSAT KHIDMAT BIRO TINDAKAN SIVIL UMNO

PETALING JAYA, 18 Okt (Bernama) -- Datuk Seri Dr Mahathir Mohamed malam ini merasmikan Pusat Khidmat Biro Tindakan Sivil Umno bertujuan antara lain untuk membantu pekerja industri dan penduduk sekitar melengkapkan diri mereka dengan pembangunan mental dan fizikal.

Pusat khidmat itu adalah projek pertama Biro Tindakan Sivil Umno yang dipengerusikan oleh Anggota Majlis Tertinggi Umno Azalina Othman Said.

Pusat itu yang terletak di Zon Perindustrian Bebas, juga mempunyai pusat kecergasan dan pusat latihan dan dijangka memberi manfaat kepada 35,000 warga industri di kawasan itu.

Turut hadir ialah Datin Seri Dr Siti Hasmah Mohamed Ali, Timbalan Perdana Menteri Datuk Seri Abdullah Ahmad Badawi, Setiausaha Agung Umno Tan Sri Khalil Yaakob dan Menteri Besar Selangor Datuk Dr Mohd Khir Toyo.

Azalina berkata pusat khidmat itu akan mula beroperasi esok dengan cogan kata "Kami Prihatin".

--BERNAMA

GM AKT MAI